

# سرائیکی

ہند سندھ دیاں زبانان دے ون دی پاڑ


ہیون و قلاش تے رنداسان  
پٹی نو دی سٹے ہند سندھ اسان  
ہیون بیشک عارف چنداسان  
گل راز رکوز دے دفتر ہون



# رسالہ سرشکی بہاول پور

## تندیر

- ۱۔ نعت شریف ————— اللہ دیوایا پر جوش
- ۲۔ سرشکی زبان دالمیہ (اداریہ)
- ۳۔ قائد اعظم دی حیاتی بکئی نظر وچ ————— ملک اللہ جویا
- ۴۔ پرچہ سرشکی زبان ————— دشا دکلانچوی
- ۵۔ سرشکی نغمہ ————— جاذب انضلی
- ۶۔ غزل ————— شاکر احمد پوری
- ۷۔ کافی ————— میاں احمد شاہد مرحوم
- ۸۔ گوشت (انشائیہ) ————— رحیم طلب



ادارہ

برگلیڈ بر سید نذیر علی شاہ

دشا دکلانچوی

ناشران

سرشکی ادبی مجلس

جھوک سرشکی بہاول پور

پرنٹر

گر دیزی پرنٹنگ پریس بہاول پور

قیمت فی شمارہ اڈھائی روپے

سالانہ چندہ بارہاں روپے





# نعتِ رسول مقبول صلی اللہ علیہ وسلم

توں بن شیخ کوئین وُل

عاجز دی لہسم کون کل

چند جان جگہ تن گایا

نہ گال مہن، لا نال صلی

توں بن شیخ کوئین وُل

عاجز دی لہسم کون کل

پک ہاں تے شو تو کاٹ ہے

دیدار داتا فضل

توں بن شیخ کوئین وُل

عاجز دی لہسم کون کل

پل پل نیچے بیہات دی

ویسی سبھو ڈکھ روگ ٹل

توں بن شیخ کوئین وُل

عاجز دی لہسم کون کل

نا جیندی آں نہ مر جاندی آں!

بیداد ہے نہ یاد عدل!

توں بن شیخ کوئین وُل

عاجز دی لہسم کون کل

بے وس و خیم پر دھاں نیکل

کاندھی کرا مولا! پیل

توں بن شیخ کوئین وُل

عاجز دی لہسم کون کل

حامی وچ ہر دوسرا

تحفہ سدا چند نال گھل

توں بن شیخ کوئین وُل

عاجز دی لہسم کون کل!

دوزخ و چھوڑے چالیہ

کیتے دا ہم پھل پالیہ

ہن بے کسی سامان ہے

توں بن نہ تکیہ تراٹ ہے

ہر ساعت ہے مسکرات دی

یک ہے سدا پاک جھات دی

بہل مثل تر پھاندی آں

کلہڑی ہی کڈ لاندی آں

دلزی کون۔ بیاں ڈھیر جھیل

رُلدی وٹاں رو ہی جیل

احمد حبیب کبریا!

صلی علی، صلی علی



# سرائیکی زبان دالمیہ

لہذا یہ

میں وڈے درد تے ڈکھ نال ایہ ساراں لکھا ہیاں، کیونجہ عام لہجہ وڈے جو جن شخص وی سرائیکی وچ ہک ڈوں کتاباں چھاپ گھن تاں دل اوں سرائیکی داقاعدہ وی لکھن ضروری سمجھئے۔ وڈی گالہ ایہ ہے جو اوں نوں قاعدہ ایس طرح بنڑائے جو پہلے کنوں وی زیادہ پیچیدگیاں پیدا کر ڈتے۔ تے ایس طرح سرائیکی دا پڑھن لکھن ہک مصیبت بنڑا دیندے۔ بلکہ خود سرائیکی گیر دوات آندی ویندی ہے!

جہاں دے ہتھ وچ پیہ ہے یا اخبار رسالہ ہے، انھاں تاں ہن گالہ دا تہیہ کر گھدے۔ جو سرائیکی دا لکھن پڑھن جتنی اوکھا کیٹا رنج گئے، کیٹا ونجے۔ ول ایہ جو اساں سرائیکی کون مدرسیاں وچ پڑھاؤں دے قابل وی نہیں رکھیا۔ اساوں مخالف وچ وجاتے آہدن جو جہڑی زبان دا ہک قاعدہ کائے نہیں۔ ہر لکھن دے دا آپڑاں آپڑاں قاعدہ ہے او مدرسیاں وچ کیوں پڑھائی وپنچے۔ چنانچہ محض ہن گیر دی وجہ کنوں سرائیکی کون مدرسیاں وچ پڑھاؤں دی سکیم داخل دفتر کر ڈتی گئی ہے۔ ایہ کتنا دڈا المیہ ہے سرائیکی دا! ایس پہلے وچ میں پہلے دی کئی دفعہ عرض کر چکیاں۔ تے ہک ہک کوں اکھ چکیاں جو اساکوں کوئی ہک رسم الخط مقرر کرنڑاں چاہیدا ہے۔ تے ہک شکل والے حرف مقرر کرنڑاں چاہیدے ہن۔ تاں جو اساں آپڑیاں مخالف کوں جواب ڈیون جو گئے تھی سکوں۔ پتہ نہیں اسان آپڑیاں آپڑیاں قاعدے کیوں بنڑیندے ہن۔ کہڑی دڈائی ہے ایندے وچ! یا کہڑا کمال ہے ایندے وچ؟ میں سمجھاں جو محض خلفشار پیدا کرن تے دشمن کوں کھلاؤں مقصود ہے! ول ایہ جو چہرا کوئی نوں قاعدہ بنڑیندے اجا بنڑیندے جو سر پہن کوں روح اکھیندے۔

ایں اہم کم کیتے، تے سرائیکی کوں ذریعہ تعلیم بنڑاؤں دی خاطر، تے اینکوں سکولاں، کالجاں تے یونیورسٹیاں توڑیاں گھن ونجن کیتے اساکوں فوراً سرائیکی دے مخصوص حروف، بجا دیاں شکلاں دا حتمی فیصلہ کرنڑاں چاہیدا ہے۔ میں تجویز کرنیلا جو لسانیات نال شغف رکھن والے مختلف علاقیاں دے دانشور کھٹے بقیوں۔ ہک سرائیکی اہل کمیٹی بنڑاون۔ او سرائیکی قاعدہ دی تیار کریں۔ اتے سرائیکی دی ایلانے صحیح لکھاؤں دا فیصلہ وی کریں۔ بلکہ ایہ کمیٹی ہمیش کیتے ہووے تے ہر موقع تے آپڑاں فیصلہ ڈنا کرے۔ خاصکر کثیر الاستعمال غلط ایلان شدہ الفاظ دو توجہ ڈیوے۔ انھاں دی اطلاع لکھاؤں کوں دست کرتے آپڑاں فیصلہ ڈیوے۔ تے دل اوں فیصلے تے لکھن والیاں کوں چھاپن والیاں کوں پابند کرے ول ایہ جو ایچے لفظاں دی وی صحیح ایلان دساوے۔ چہرے اسان کنوں صحیح پڑھنے وی نہیں دیندے مثلاً اینہہ (یعنی ایس)، مونہہ (یعنی منہ)، جاہ یا جھاہ (یعنی جا)، گدھا (یعنی گدھا)، گھن کنوں، وغیرہ وغیرہ۔ ایچی کمیٹی دے اگوں عرض کر لیاں جو او آپڑیاں فیصلے ڈیون ویلے مندرجہ ذیل بنیادی اصولاں کوں ضرور سامنے رکھے مثلاً



۱۔ سرائیکی دے حرف اردو دے حرفاں دے قریب مہوں: 'بھ'، 'پھ' دی بجائے سندھی دا انگوں چار چار نقطے ڈے تے حرف نہ بنزائے دہن۔ ایس طرح اساں قومی زبان کنوں پہوں پرے تھی ویسوں: تے اوکھ وی تھیں!!

۲۔ اساں چڑے دی فیصلے کروں، ساریاں دی رضا مندی نال کردوں یا اٹھاں کوں منت سماحت نال راضی کردوں، تاں جو اگوں تے اساں اکم چل سکے۔ محض ووناں دی کثرت نال ایہ فیصلے نہیں تھی سگدے۔ ایہا ناٹا ترائے چار داری تھی چکے، تے کا بیابی نہیں تھی

۳۔ سرائیکی دے مخصوص چاریاں لفظاں دیاں شکلاں سوہنڑیاں ہوں۔ آسان ہوں، مختصر ہوں۔ تاں جو غیر اہل زبان تے ہال بچے جلدی تے شوق نال سرائیکی لکھن پڑھن سکھ سگن۔

۴۔ لسانی اصولاں دے مطابق جتھاں ضرورت پورے تے انہاں حرفاں تے صرف یک نقطہ ودھاتے کم چلاؤں۔ گوں پکے تے ڈیوں۔ ڈوں ڈوں لیکے نہ ڈیوں۔ ڈوں ڈوں نقطے نہ ڈیوں۔ کیوں جو ایہ ساریاں شیئیں کہیں زبان وچ کائے نہیں۔ مثال دے مال یک نقطہ ڈے تے ڈال بنزائی گئی ہے۔ دل ضرورت پئی ہے۔ تاں ڈال آتے طوہ ڈے تے ڈال بنزائی گئی ہے۔ کیا اساں اینٹیں یک یک نقطہ ودھاتے آپڑیں ضرورت دے حرف بنزائے سگدے؟ یا اگے بنزائے جو تے کائے نہ ہن؟ کول ایہ دھارا کہڑے مفقہ کہتے کیٹا گئے۔

۵۔ کیوں جو سندھی زبان دے حرفت ہجا وچ نون غنہ کائے نہیں۔ ہی واسطے اٹھاں جتھاں وی نون غنہ دی آواز آندی ہے۔ اٹھاں یک پیا حرف بنزائے کم چلائے۔ مثلاً دُنچ لکھن ویلے اٹھاں نون غنہ تے جیم کہتے یک ترجیجا جیم بنزائے۔ پئی طرح نون غنہ تے گ والے لفظ کہتے یک ترجیجا گان بنزائے۔ ایہ سندھی والیاں دی ضرورت ہے۔ پر اسانڈے کول نون غنہ ہے سرائیکی وچ نون غنہ جتھ کتھ آئے۔ یک یک فقرے وچ ڈوہ دفعہ آندے۔ اساکوں کیا ضرورت ہے جو نون غنہ کوں چھوڑتے، حرفت ہجا وچ ترجیجے جیم تے جو تھے گان کوں گھن آؤں۔ کیا ایہ سندھی دی اندھی تقلید نہ ہوئی۔ اساں سندھی کنوں ضرورت دے مطابق ڈوں حرف 'پ' اتے 'ج' گھدا ہونے۔ ایہ تقوری گالھ ہے؟

۶۔ ژڈرڈ (ن) وی سرائیکی دا یک اہم حرف ہے۔ ایندی شکل قدیم کنوں آندی پئی ہے۔ ایکوں لای یعنی نون وچ ڈوں نقطے لاوٹن یک عجوبہ ہے۔ تے ایندے نال سندھی تے سرائیکی دا سخت اختلاف تھی ویندے۔ کیوں جو سندھی وچ دی ڈوں نقطیاں والا حرف ہے۔ او ایکوں ہی طرح پڑھدن۔ ایس طرح اساں سندھی تے سرائیکی وچ دی یک لڑ مار ڈتے۔ ایہ کتنی زیادتی ہے۔ جو اساں قومی زبان کنوں وی ہٹدے ہیں۔ تے ہمایہ زبان سندھی کنوں وی پرے تھی ویندے ہیں!!

بہر حال ایہ تے ایہو جہاں ہیاں کئی گالھیں ہن جتھاں کوں سامنڑیں رکھتے اساں کوئی متفقہ تے حتمی فیصلہ کروں۔ تے آئندہ واسطے ایس گالھ دا دروازہ بند کردوں۔ تے چور دروازے دی نہ رکھوں۔

کیوں جو رسالہ سرائیکی ادب لکھان والے ایس کم وچ اگوں رہن، تے کئی ترائے چار داری حرفاں کوں اولاد



چکین، ایں واسطے میں خاص کرائیاں کول مہردانہ اپیل کر لیاں، جو او ایں پاسے خلوص نال، پیارتے محبت نال، تے کہیں قسم دے تعجب یا لالچ کنوں ہٹ تے فیصلہ کرن وچ مدد دیلون۔ تاں جو اساں سرائیکی زبان کول مدریاں تے کالجیاں وچ گھن آسکوں۔ نہ تاں ایہ اساڈی جند کول پیٹنی!

میں دلا عرض کر لیاں جو اساڈی حرمت تے ابلا کیٹی وچ لسانیات دے ماہر حضرات شامل کیتے وئجن تے انہاں کنوں متفقہ فیصلہ گھدا وئجے، اکثریت والا فیصلہ ناکام تھی چکے۔ تے کئی داری تھی چکے جیکر ایں کیٹی وچ ایہ حضرات وی رکھے وئجن۔ جناب طاہی بہاولپوری۔ جناب ڈاکٹر بہر عبدالحق۔ جناب اسلم رسول پوری۔ جناب عمر علی خاں۔ جناب جاذب الفزاری۔ جناب شاعلی صدیقی۔ جناب محمد علی احمدانی دینر دینر، نیز کوئٹہ۔ شاور تے کراچی کنوں وی پک پک آدمی گھدا وئجے۔ تاں جو ایہ کیٹی کل پاکستان دی سطح تے ہووے۔

جیکر ایہ کیٹی کوئی متفقہ فیصلہ کریندی ہے۔ تاں جناب طاہی بہاولپوری تے خاکار دتلا دکلانچوی آئندیاں قاعدیاں کول فوراً منسوخ کر دیلون وادعدہ کریندن، تے امید رکھیندن جو باقی حضرات وی آئندیاں قاعدیاں کول منسوخ کرن کیتے تیار تھی وین!

آخر وچ ذری سرائیکی دے دؤں لفظ پڑھو، جو آج ایہ ایویں لکھندے پن، اتے دل سوچو جو میں کہہ دی گھالہ تہاڈے پیش کیتی ہے۔! تے سرائیکی گزرات وچ کیوں آئی ہوئی ہے! گھٹ گھٹ

دشاد کلانچوی

سرائیکی فکری ادب کے متعلق تازہ ترین تصنیف



سرائیکی زبان اور اسکی نشر



سرائیکی زبان کئ اور سرائیکی نشرے متعلق ایک کتاب جسے پرنسیر دتلا دکلانچوی نے بیرون کی تحقیق و تجسس سے تریب کیا ہے سرائیکی نثر نگاروں کے حالات زندگی اور دیگر معلومات کا انسائیکلو پیڈیا

● قیمت — ۲۵ روپے ● مینے کا پتہ — سرائیکی ادبی مجلس بہاولپور نمبر ۱۲



ملک اللہ جویا

# قائد اعظم دی حیاتی کی نظر و پرچ

۱۹۳۴ء آل انڈیا مسلم سٹوڈنٹس فیڈریشن دے کلکتہ والے

پہلے سالانہ اجلاس دی صدارت کرن۔

۱۹۳۸ء کراچی مسلم لیگ دی صدارت کرن۔

۱۹۴۰ء ۲۳ مارچ لاہور دے مسلم لیگ دے سالانہ

اجلاس وچ قرارداد پاکستان دی منظوری۔

وکالت چھوڑتے مسلمانن دی خدمت شروع کرن۔

حکومت برطانیہ کوں کھڑکا پٹاؤن۔

۱۹۴۲ء کریس مشن داقائد اعظم کوں پاکستان دے اصول کوں

منوادن۔

۱۹۴۵ء ۲۸ جون لارڈ ویل دی شملہ کانفرنس وچ شرکت کرن۔

اکتوبر وچ بلوچستان دا دورہ۔

۱۹۴۶ء ۲۹ جولائی راست اقدام دا اعلان کرن سیکاری خطاب

دا واپس کراؤن۔

۱۹۴۷ء مارچ لارڈ مونٹ بیٹن کوں پاکستان دے مطالبہ

۱۹ جون کراچی کوں پاکستان دے دار الخلافہ بنواؤن دے فیصلہ

۱۴ اگست پاکستان داقائم تھیون!

۱۸ اگست بحیثیت گورنر جنرل عید واپس آؤن۔

۱۹۴۸ء ۲۱ مارچ ڈھاکہ وچ ترائے لکھ دے مجمع

کوں خطاب کریں۔

یکم جولائی سٹیٹ بینک آف پاکستان دافتتاح کرن۔

۱۱ ستمبر رات کوں پوٹری یا رھاں دے انتقال

فرماؤن۔

۱۸۴۶ء ۲۵ دسمبر کراچی وچ جنم۔

۱۸۸۲ء پڑھن پھن۔

۱۸۹۳ء انگلستان وچ۔

۱۸۹۶ء بیرسٹری وچ کامیابی۔

۱۸۹۷ء وطن آتے وکالت کرن۔

۱۹۰۰ء پرنسپل ٹیچر ٹیچنگ ہسٹری۔

۱۹۰۵ء آل انڈیا کانگریس امبرسٹرن۔

۱۹۰۶ء ممبئی وچ ہائیکورٹ دا وکیل بنن۔

۱۹۰۹ء سپریم ایپیلیٹ کورٹ وچ بلا مقابلہ انتخاب جیتن۔

۱۹۱۰ء قانون ساز کونسل دا رکن بنن۔

۱۹۱۲ء مسلم لیگ دے کلکتہ والے سالانہ اجلاس

وچ شامل تھیون۔

۱۹۱۳ء مسلم لیگ وچ شامل تھیون۔

۱۹۱۶ء مسلم لیگ دے تاریخی اجلاس منعقدہ لکھنؤ

دی صدارت کرن۔

۱۹۱۸ء شادی کرن۔

لارڈ ولنگٹن دے خلاف مظاہرہ کرن۔

۱۹۲۰ء آل انڈیا کانگریس توں ہٹ وچن۔

۱۹۲۱ء گاندھی جی دی حکمت عملی توں اختلاف کرن۔

۱۹۲۴ء آل پارٹیز کانفرنس وچ مسلماناں دے نمائندے

دے طور پر شریک تھیون تے انگلینڈ وچ ٹکرن۔

۱۹۳۷ء ممبئی وچ مرکزی اسمبلی دے انتخاب وچ کامیاب تھیون۔



# پراچین سیرکی زبان

دلشاد کلانچوی

سلسلہ پراچین سیرکی زبان نے ایک کتاب نگالی رسم الخط وچ ترتیب دتی ہستی۔ جینڈا ناں "پہلوان" دودو ہا ہے ناب وچ دو جھیاں چھوٹیاں چھوٹیاں نکلاں دے علاوہ تقریباً "پنجاب" دی شامل ہن جیکوں اسان ڈوٹر اکاون یا مصرح وی غدول جینڈے وچ عام طور تے خدا تھائے دے متعلق کوئی گالھ اکھی دیندی ہے جینویں جو "جھڈ" سے۔ پتہ مندی تصوف بے اصطلاح ہے پر عام طور تے "پتہ" کون سو فیاض خیال اسے ذکر ادا کار دے اظہار کیتے ورتیا ویندا اے۔ دراصل "پتہ" بھڑکھال" واکلام منیا دیندے انہاں دے نال وی انہاں دے کلام وچ ملدن جیویں جو شاعران دے تخلص ہوندن پتہ کھن دے عام طور تے ملویں طبقے دے ہونڈے ہن۔ اتے پتہ دھمت دے پیروکار یا چلیے ہونڈے ہن۔ ول وقت دے گذرن نال ہولے ہولے ایہ لوک اپریں مذہب پتہ دھمت کنوں دی ہٹ گئے۔ ڈوٹھا وچے نال انہاں پداں والی شاعری ت دے زوال دی شاعری ہئی۔ جیکوں پتہ دھمت نے اپریں پیروکاراں یا چلیاں کیتے تصنیف کیتا تے اوں زمانے راکیت وچ لکھی گئی۔ ایہ پراکرت اوں زمانے پورے شمالی برصغیر وچ رائج ہئی۔ بلکہ انہاں پداں دے لکھن یا اکھن والے برصغیر دے شمالی علاقے وچ کھنڈے ہوئے ہن جیکوں جو ایہ پتہ شمالی برصغیر دے پتہ دے چلیاں کیتے لکھے گئے۔ ایہیں واسطے پداں دی زبان وی شمالی برصغیر وچ لکھی گئی پتہ دے دی زبان لہندا (یعنی موجودہ سرسکی) کنوں کافی متاثر اے۔ ایہا وجہ ہے جو انہاں پداں وچوں پراچین اردو دی نشاندہی دی تھیندی ہے۔ تے قدیم سیرکی زبان دے حوالے تے نے وی ملدن۔

پراکرت شمالی برصغیر وچ ایک زمانے وچ "آپ بھرنش" سڈی دیندی ہئی اتے ایہ پراکرت دا آخری دور اے۔ ایندے بعد برہویاں دا رواج پایا تے ول او خوب مقبول عام تھیاں۔ چنانچہ انہاں پداں دا قدیم اردو تے وی اثر پایا۔ ایہ توڑیں جو دکن قدیم اردو دے ڈوٹھے دے (دوہے) دی آپریں ہیئت اتے شکل دے لحاظ نال انہاں پداں نال رلدے ملدے دے ہیں۔

انہاں پداں دا زمانہ قدیم ہے۔ پرتھوین نال وی نہیں آکھیا وچ سنگد ارجو اے۔ کپڑی صدی دے ہن۔ ایک اندازے تے ایہ سلسلہ کنوں سلسلہ تائیں دے زمانے وچ لکھے ہوئے ہن۔ پھر حال ایہ پتہ مسلماناں دے برصغیر وچ آون پہلے دے ہن۔ انہاں پداں دے زمانے کول پیا دی سورا کیتا وچے نال ایہ سلسلہ کنوں سلسلہ تائیں دے زمانے



انہاں پداں دی زبان کوں "سندھیا بھاشا" (سندھی زبان) وی سٹدیا گئے۔ جہڑی جو سنسکرت دی بک پرکرت اپر پڑی ہئی۔ ایہ اہمیراں دی زبان ہئی۔ جڈاں بدھ دھرم کوں اپری گھروچوں یعنی برصغیر وچوں کد بعد دنا گیا، تے دل بدھ دھرم دی انتھان نہ رہ سکے تال انتھان دا کلام جہڑے جو ایہ پدہن۔ ایہ وی نایاب تھی گئے۔ گل پھل گئے۔ ایہ بک خوشی دی گالھ ہے جو ہر پرشاد شاستری انتھان کوں کتابی شکل وچ نگہن اکن تے، انتھان کوں حیاتی فنڈ دتی ہئی۔ نہ تال شاید انتھان دی ایہ حیثیت دی نہ رہندی!

پداں دی زبان یعنی "سندھیا بھاشا" بک عوامی زبان ہئی۔ اتے علامتی زبان ہئی۔ انتھان پداں دی دریافت آنے ترتیب ڈیون نال برصغیر دے شمال مغربی علاقے دی بک قدیم زبان سرائیکی دی نشاندہی وی تھیندی ہے تے خوب تھیندی ہے اتے ایندی قدامت دے آثار چھوٹی ستویں صدی عیسوی تاں دے بل دیندن "سندھیا بھاشا" وچ ایہجے الفاظ ملدن "جہڑے جو قائل سرائیکی ہن۔ یکہ آج تیں ادویں سرائیکی وچ استعمال تھیندے ہن۔ دل ایہ جو ایہ سرائیکی دی قدامت دے علمبردار وی ہن۔

ایں جاتے انتھان پداں وچوں کجھ لفظ چٹن تے پیش کیتے دیندن۔ انتھان کوں بک واری ڈیکھن نال صاف پتہ لگدے جو ایہ الفاظ عین بن سرائیکی ہن۔ تے ایہ اوں ویلے دی پرکرت "اپ بھرنش" وچ استعمال تھیندے رہن۔ تے دل ایندے بعد "سندھیا بھاشا" وچ دی انتھان دی چلت رہ گئی ہے۔ انتھان حالات وچ قدیم سرائیکی زبان دے "نونا مہ" دے دور کنوں وی چھ سو سال اگے توڑیں سرائیکی دے قائم تے ثابت تھی وچن دی گالھ کیتی وچ سگدی ہے۔ انہاں پداں دے حوالے نال اساکوں سرائیکی دے تحریری یعنی لکھے ہونے ثبوت پہلی صدی ہجری توڑیں دے بل دیندن۔ تے ایہ بک واری گالھ ہے تے خوشی دی گالھ ہے!

انتھان پداں دے بک ٹوڑن نمونے ملاحظہ ہووین :-

پد :- تن نہ چھو ہئی ہرن ہئی نا پانی

ترجمہ :- ہرن نہ مکھ کوں ہتھ لیندے تے نہ پاٹریں پیندے !

پد :- جان جو بن مورا بھی لیس پورا

ترجمہ :- جڈاں منیڈا جو بن پورا تھی گیا۔

پد :- جو ایتھوں بوجھئی، سو ایتھوں پودھ

ترجمہ :- جو ایتھوں جیس سمجھ گھدا ادھو انتھان بدھ بن گیا۔

ہن مختلف پداں وچوں او الفاظ پیش کیتے دیندن جہڑے عام طور تے ورتے ویندے ہن۔ تے ایہ لفظ قائل سرائیکی دے ہن۔ جیکر اردو قدیم وچ دی ملدن تال ادوی سرائیکی کنوں گئے ہن۔



اردو معنی	پہلوانی لفظ	پہلوانی لفظ	اردو معنی
مان	ما	سیر	سیر
جو	جے	چم	چم
منہ	مونہ	چو	چو
بو	گن	چنگیر (چنگیر)	چنگیر
نہیند	نہیند (نہیند)	چپا (آچا)	چپا
نگلا	نگلا	جواں (جواں)	جواں
سوت	سوت	دہ (دہ)	دہ
نہیں	نہیں	دکھ	دکھ
ہمیشہ	ہمیشہ	سونارو پا	سونارو پا
سیرے لے - مجھے	سیرے لے	سانگا	سانگا
برباد ہوا	برباد ہوا	سڑی پڑی	سڑی پڑی
ہرن	ہرن	ساندھ	ساندھ
جوانی	جوانی	کوٹھا	کوٹھا
جہان	جہان	کھر	کھر
لیکن ایسر	لیکن ایسر	جانور کے پاؤں	جانور کے پاؤں
		دھوم (دھوم)	دھوم

اے ڈے ڈے گئے تھوڑے جیسے لفظ ہن جہڑے محض سرائیکی د چ بویے ویندن۔ انھن لفظاں دی موجودگی  
ال اسان آکھ سکدے ہیں جو سرائیکی انھن لفظاں دے ثبوت کنوں دی پہلے دی زبان ہے تے قدیم زبان ہے!

### بقیہ :- گوشت

گوشت کئی قسم دے ہوندن، مبیڈا، باکرا، گاں دا وغیرہ وغیرہ۔ ہر ایک دا اپنا اپنا بھاہ ہے۔ گاکھ دی مرضی  
ہے جو ستا خرید کرے یا ہانگا۔ تازہ خرید کرے یا پڑو تھا۔ لٹا خرید کرے یا پڑھا۔ تے انویں سوچوں تاں گوشت  
ہے دی کیا؟ مٹی ہے مٹی۔ مٹی دہ تبدیل شدہ شکل۔  
بہر حال گوشت داسد پیدا تھیا ہونے آہدن جو سبزیں کھاؤ تے گوشت بچاؤ۔ پر ایہ تھی کیوں سکدے حیرت  
موسی دی قوم ہیریان دے گوشت کنوں چل گئی پر اسان تاں گوشت کنوں بنیرہ دی نہیں سکدے!



رسالہ سرائیکی بہاول پور

۱۲

# غزلے

شاکر احمد پوری

امید دا آجار طیس گلزار ہوئے ہوئے،  
ڈیندا گیا ہے دیکوں آزار ہوئے ہوئے،

زلفانڈے یسج پاتے دلاڑی،  
ترجھی نظر دے کر گئے کئی وار

درداں دکھاں توں تھی گئے لبریز دل داکاسہ  
بہہ پئی ہے بدلی غم دی چودھار ہوئے ہوئے،

جس ویلے حال بچھاں، منہ پھ  
کیا بچھیں حال آہدے دلدار ہ

جس ڈینہ دا وچ سفر دے پردیسی ٹرگیا  
اوں ڈینہ دا ویری بن گئے سنار ہوئے ہوئے،

آوندے بغیر میڈا جیون حرام تھی  
چنڈڑی ہے مکدی ویندی بیمار

ہجران توں بکدی پئی ہے میڈے بدن دی دھرتی  
برسات بن تے وس کپوہک وار ہوئے ہوئے،

کیا دوستو سنڈالواں شاکر دے آہ  
حسرت دے لگ گئیے ہن انبار



دیانت احمد شاہد مرحوم  
(تھرد اثیر سول)

## کافی

دل رات ڈینہاں تڑ پھانڈی ہے  
تیں یار کیتے کر لاندی ہے  
جین ڈینہ دی دلڑی لا پٹھم  
سب ہوش حواس محبلا پٹھم  
گل روگ اولڑا یا پٹھم  
ڈے مہنٹس خلقت کھانڈی ہے  
دل رات ڈینہاں کر لاندی ہے

دل ازلوں یار دیوانی ہے  
تیں کیتی آپ بگانی ہے  
تھئی اوکھی آزندگانی ہے  
ایہ بروی تیرے ناں دی ہے  
دل رات ڈینہاں تڑ پھانڈی ہے

تھی شاہد یار نیچے ناں میں،  
در تڑے سیس زولیاں میں  
جوڑ کھ آسن سر پسیاں میں  
پتی سکدیں عمر و پانڈی ہے  
دل رات ڈینہاں تڑ پھانڈی ہے  
تیں یار کیتے کر لاندی ہے  
~~~~~ آخری کلام

## سرانسی نغمہ

پاک وطن جاگیر اسادی محنت کر آباد کروں  
خواباں دی تعبیر اسادی گڈی کوں یاد کروں

ڈے قربانی جان تویں پیائی دیں ساں آزاد کرانا  
پاک وطن دی دھرتی خاطر، اسان اپناں خون چھلانا  
خون دی ہے تعبیر اسادی مستحکم بنیاد کروں

سلکے شیر جاناں دی ہیبت تویں جل دی کنبدین  
دشمن دی سازش دے او مفسود محل دی کنبدین  
اچی ہے تاثیر اسادی، ہر سازش برباد کروں

اینڈی دھرتی اندے چٹھے آکھن نڈاں نالے دی  
موسم مست بہار چھناں آکھن سخت سیالے دی  
رانجھاساڈا ہیر اسادی الفت کر دل شاد کروں

حریت دا الج علم اٹھاتے دنیا دے مظلوماں دی  
جرات بند بھوش ڈکھاتے دنیا دے مظلوماں دی  
جاذب ہے شمشیر اسادی ہمت کر امداد کروں



## اکادمی ادبی انعامات ۱۴۰۳ھ

اکادمی ادبیات ۱۹ اکتوبر ۱۹۸۲ء تا ۱۹ اکتوبر ۱۹۸۳ء (۱۴۰۳ ہجری) کے دوران اردو پنجابی سندھی، بلوچی، پشتو، سرسکی اور انگریزی میں شائع ہونے والی ادبی تنقید، تحقیق، ناول، افسانہ، انشائیہ، سفر نامہ، طنز و مزاح اور شاعری کی بہترین کتب پر انعام دے گی۔

اکادمی اپنے ذرائع سے ان کتابوں کے بارے میں جو اس دوران شائع ہوئی ہیں معلوم جمع کر رہی ہے تاہم ادباً شعراً، ناقدین، محققین اور قارئین ادب سے بھی درخواست ہے کہ وہ اس عرصے میں شائع ہونے والی کتابوں کے نام اور ناشر یا تقسیم کار کے پتے سے خودی طور پر مطلع فرمائیں اس طرح اکادمی کی مساعی زیادہ کارگر ہو سکیں گی۔

یہ انعامات طبع زاد کتب کے لئے ہیں۔ تراجم اور تدوین شدہ کتب انعامات کے اس پروگرام میں شامل نہیں۔

خالد اقبال یاسر  
ڈپٹی ڈائریکٹر

اکادمی ادبیات پاکستان کے نمبر ۳۶ گلی نمبر ۴۸  
ایف۔ ۴/۸، اسلام آباد



## گوشت

## رحیم طلب

گوشت دا ای دنیا وچ پنکا کاروبار ہے ایس یوں کوئی قصائی سڈ دیندے تے کوئی پہوان اکھاوٹ واسطے گوشت سیر کنوں جو وکٹ لگدے تے ہی سویر تھی ویندی ہے۔ لیکن چھوٹے شہراں وچ شام تیس وکدے! مین تال مشینی دور ہے گوشت کون چہڑے ویلے پکاوٹ چاہو پکا سگدے دے کیوں جو ایسوں محفوظ رکھن کیتے اہل ذوق گوشت خور سانداناں نے فرج تیار کر گھدین۔

شہراں وچ گوشت تال ہر قسم دا ہوندے بکری دا، اٹھ دا، ڈانڈا، منجھ دا، گناں دا تے بھینڈ دا۔ ہک دفعہ میں وی بازار گوشت گھنن گنیم۔ قصائی دے آہروں باہروں ہک هجوم ہا۔ پرے کنوں ایسوں لگدا ہا جینویں کوئی مداری والا تھاشا ڈکھیندا پیا ہودے۔ بازار وچوں گوشت گھنن کیتے گوشت کون پرکھن دا تجربہ ہو ونٹراں چاہیدا ہے۔ جو ایہ گوشت کھڑے جانور دا ہے۔ دل جگر کوئی شخص قصائی کنوں گوشت بغیر کہیں چچ چچ دے گھن آوے تال او شخص وی وڈا خوش قسمت ہے۔ غیر میں قصائی دی دکان تے گنیم۔ ہک کلو گوشت ڈیویں پہوان جی! میں ہلکی اواز نال آکھیا۔ ایہ ہک کلو دی لٹ لیندے لیندے آخر ڈول گھنٹے گزر گئے۔ تھوڑی دیر میڈے کناں وچ آلا آیا۔ ”بھرا کتنا گوشت ہووے؟“ جی ہک کلو..... بس!!

”دوٹے سیس! ایہ کیا؟“ اتھ دے وچ گوشت تال ہے کائے بند۔ ساریاں ہڈیاں ہن میں ہک کلو گوشت آکھیم ہڈیاں کائے نہیں آکھیاں؟ میں تکیا بولیم۔

”ایہو گوشت ہے گھنوتاں گھنوتاں اپناں رستہ پکڑو۔ اسان جانور دے مالک کون ہڈیاں دے پیسے کائے نہیں ڈیندے۔ دل قصائی ڈوبھے لوکاں کون گوشت ڈیوٹ وچ رڈ صیج گیا جیو سیس کھا گھنوتاں گوشت! ایہ کہیں کون پتہ کائے جو سب کنوں پیسے گھنوتاں گوشت دی لذت چکھی ہوئی؟“

پنٹریں وانگون گوشت دی وی گت بنر دی ہے۔ ہک ڈینہ دی گالھ ہے جو میں پوٹی کھاتے ہڈی سٹی تال بھیج تے اسٹوے گئے نے جا گھدی۔ بھن بھر ورتے اوں ہڈی چھوڑی تال ملی نے چنبا زماں کیتی۔ اوں نے چھوڑیا تال کاں کندھی تے انتظار وچ بیٹھا ہا۔ دل اوں نے جینجاں نال آپریشن کیتا۔ اوہیا تال دل کوئیاں جھڑیاں پیاں ہن۔ ایتھوں اندازہ مقیندے جو گوشت وچ لذت ہے۔ گوشت گوشت ہے!

بقیہ سنمٹا



# اولین کتاب پروگرام

اکادمی ادبیات پاکستان "اولین کتاب پروگرام" کے تحت رواں سال کے لئے نوجوان نئے لکھنے والوں کے لئے دو مسودات منتخب کرے گی۔ یہ پروگرام ان باصلاحیت نوجوان قلم کی حوصلہ افزائی کیلئے شروع کیا گیا ہے جن کی اب تک کوئی کتاب شائع نہ ہوئی ہو اور جو بعض مشکلات کے باعث اپنی تصنیف شائع کرنے کی استطاعت نہ رکھتے ہوں اس پروگرام کے تحت ان نئے لکھنے والوں سے ان کی پہلی تصنیف کے مسودات طلب کئے جارہے ہیں جن کی عمر تیس سال سے زائد نہیں ہے۔

اکادمی کی پبلیکیشن کمیٹی جس میں ملک کے چیدہ چیدہ ادب شامل ہیں ان مسودات میں سے دو مسودات کا انتخاب کریں گی جن میں سے ایک شاعری اور ایک نثر کی کسی مروجہ صنف میں ہوگا۔ مجلس مطبوعات کی سفارش پر اکادمی منتخب مسودات کی طباعت کے اخراجات مصنفین کو ادا کرے گی۔

اس پروگرام کے تحت صرف ان مسودات کو زیر غور لایا جاتا ہے جو اردو ادب کی مروجہ اصناف نظم و نثر میں ہوں، غیر ادبی نوعیت کے مسودات اس پروگرام کے لئے قبول نہیں کئے جاتے۔ مسودہ کاغذ کے ایک طرف اور خوشخط تحریر شدہ ہونا چاہیے۔ مسودہ ارسال کرنے سے پہلے اس کی نقل مصنف کو اپنے پاس محفوظ رکھنی چاہیے کیونکہ منتخب نہ ہونے والے مسودات واپس ارسال نہیں کئے جاتے۔

نوجوان مصنفین مندرجہ بالا شرائط پر پورا اترنے والی تصنیف کا مکمل مسودہ زبردستی کوئی ۳۱ دسمبر ۱۹۸۳ء تک ارسال کریں۔

خالد اقبال یاسر ٹی وی ڈائریکٹر

اکادمی ادبیات پاکستان مکان نمبر ۳۶ گلی نمبر ۴۸، ایف۔ ۴/۸، اسلام آباد



# عشقت

واہ، واہ عشق جنوں دی کارے سیجھتے کون ڈیندا بارے

سیجھ لٹاؤے تاں خوش تھیندے کھل رلاؤے تاں خوش تھیندے

دُت رداؤے تاں خوش تھیندے جگہ کریندے بارے بارے

واہ، واہ عشق جنوں دی کارے دھج پُج سب ہنوائے تھروے در درتے پنچواتے تھروے

جنگلیں کن پر دواتے تھروے ایہ تاں ڈانڈا صاحب و قیارے

واہ، واہ عشق جنوں دی کارے

شہ زوری کون ڈیندے ماشے کہیں دے رولے جنگلیں ماشے

ڈہدے ہر جا آپ تما شے کہیں کون بوڑے کہیں کون شے

واہ، واہ عشق جنوں دی کارے

کہیں کون دم دم تانگاں لگدین کہیں کون سیرچ ڈانگاں لگدین

کہیں کون ہاں پچ سانگاں لگدین کہیں دے مردن چڑھدے کھارے

واہ، واہ عشق جنوں دی کارے

کہیں کون چپ دی فہر کوایس کہیں کون انا الحق چا اوا یس

کہیں کون تختے دار ننگا یس کہیں کون ڈتے دیگ اُبھارے

واہ، واہ عشق جنوں دی کارے

کہیں داچہڑا اودھڑا یس کہیں کون تیریں نال چٹا یس

کہیں کون کھوڑے وچ سٹوایس کہیں دا روون نال و پارے

واہ، واہ عشق جنوں دی کارے

کہیں کون مست ملنگ بنڈا یس کہیں کون محض انگ بنڈا یس

کہیں دا جیون بتک بنڈا یس اوندی زاہد واہ بنڈا یس

واہ، واہ عشق جنوں دی کارے




جذری - خردی - مایع - مایع

السلامة والسلامة والسلامة

بہاول پور

رسالہ



سرکاری ادبی مجلس بہاول پور

